

Grad Novi Pazar

Skupština grada

Odbornička grupa SDA Sandžaka

Novi Pazar

10. maj 2023. godine

P R E D S J E D N I K U
SKUPŠTINE GRADA NOVOG PAZARA

Na osnovu člana 44. stav 1. i člana 149. Statuta grada Novog Pazara („Službeni list grada Novog Pazara“, broj 6/19), člana 44. stav 1. i člana 138. stav 1. Poslovnika Skupštine grada Novog Pazara („Službeni list grada Novog Pazara“, broj 6/19) podnosimo **PRIJEDLOG ODLUKE O POKRETANJU INICIJATIVE ZA OSNIVANJE SREDNJE ŠKOLE UNUTRAŠNJIH POSLOVA U NOVOM PAZARU**, sa prijedlogom da se, shodno članu 109. Poslovnika Skupštine grada Novog Pazara, uvrsti u dnevni red na sjednici Skupštine grada koja će se održati 10. maja 2023. godine.

Predsjednik odborničke grupe

mr. Ahmedin Škrijelj

PRIJEDLOG

Na osnovu člana 79. stav 1. i 2. Zakona o lokalnoj samoupravi („Službeni glasnik RS“, broj. 129/2007, 83/2014 - dr. zakon, 101/2016 - dr. zakon, 47/2018 i 111/2021 - dr. zakon), članu 90. stav 1. Zakona o osnovama sistema obrazovanja i vaspitanja („Službeni glasnik RS“, br. 88/17 i 27/18 – dr. zakon), članu 4. Zakona o javnim službama („Službeni glasnik RS“, br. 42/91, 71/94, 79/05 – dr. zakon i 83/14 – dr. zakon), članu 147. Statuta grada („Sl. list Grada Novog Pazara“ br. 6/19) i člana 137. Poslovnika Skupštine grada Novog Pazara („Službeni list grada Novog Pazara“, br. 6/19), Skupština grada Novog Pazara na sjednici održanoj dana 10. maja 2023. godine, donosi

ODLUKU

o pokretanju inicijative za osnivanje Srednje škole unutrašnjih poslova u Novom Pazaru

Član 1.

Skupština grada Novog Pazara pokreće inicijativu za osnivanje Srednje škole unutrašnjih poslova u Novom Pazaru.

Član 2.

Skupština grada Novog Pazara traži od Vlade Republike Srbije:

- da osnuje Srednju školu unutrašnjih poslova u Novom Pazaru;
- da Srednjoj školi unutrašnjih poslova u Novom Pazaru utvrdi status srednje škole od posebnog interesa za Republiku Srbiju;
- da Srednja škola unutrašnjih poslova u Novom Pazaru od školske 2025/2026 godine počne sa ostvarivanjem planova i programa nastave i učenja stručnog obrazovanja i vaspitanja u četvorogodišnjem trajanju u području rada stručne škole: Ekonomija, pravo i administracija;
- da se u Srednjoj školi unutrašnjih poslova u Novom Pazaru plan i program nastave i učenja ostvaruje i na bosanskom jeziku;
- da se u strukturi privremenog i stalnog Školskog odbora osiguraju mjesta za predstavnike Bošnjačkog nacionalnog vijeća i Grada Novog Pazara;

- da se sredstva za rad Srednje škole unutrašnjih poslova u Novom Pazaru obezbijede u budžetu Republike Srbije;
- da donese ostala potrebna akta i preduzme druge potrebne radnje neophodne u postupku osnivanja i osiguranja neophodnih uslova za rad Srednje škole unutrašnjih poslova u Novom Pazaru.

Član 3.

Ovu odluku dostaviti Vladi Republike Srbije.

Član 4.

Ovu odluku objaviti u „Službenom listu grada Novog Pazara“.

SKUPŠTINA GRADA NOVOG PAZARA

Broj:

U Novom Pazaru, 10. maj 2023. godine

PREDSJEDNIK

Dr. Anela Šemović

O B R A Z L O Ž E N J E

Pravni osnov za donošenje odluke

Pravni osnov za donošenje ove odluke sadržan je:

- u članu 79. stav 1. i 2. Zakona o lokalnoj samoupravi
- u članu 90. stav 1. Zakona o osnovama sistema obrazovanja i vaspitanja;
- u članu 4. Zakona o javnim službama;
- članu 147. Statuta grada Novog Pazara, i
- članu 137. Poslovnika Skupštine grada Novog Pazara.

Razlozi za donošenja odluke

Razlozi za donošenje ove odluke sadržani su u činjenici da potrebe Novog Pazara kao univerzitetskog, političkog i regionalnog centra Sandžaka, kao i potrebe šire regije nameću obavezu osnivanja ove vrste srednje škole. Takođe, ova inicijativa potkrijepljenja je potrebom ostvarivanja prava bošnjačkog naroda na srazmernu zastupljenost policiji na prostoru regije Sandžak. Ustav Republike Srbije garantuje bošnjačkom narodu zastupljenost, između ostalog i u policiji, srazmernu njihovom učešću u ukupnom procentu stanovništva u sandžačkim opštinama. Imajući u vidu da je postojeće stanje nacionalne strukture zaposlenih u policiji skoro pa obrnuto proporcionalno nacionalnom sastavu stanovništva u Novom Pazaru i drugim sandžačkim opštinama neophodno je iznaći adekvatne mehanizme putem kojih se ustavne i zakonske norme mogu provesti u praksi. Shodno činjenici, da je Vlada Republike Srbije 19. januara 2023. godine osnovala Srednju školu unutrašnjih poslova u Sremskoj Kamenici te da će se zapošljavanje u policijskih službenika u budućnosti vršiti isključivo od svršenih srednje škole unutrašnjih poslova, donošenje ove odluke predstavlja jedini mehanizam koji može osigurati adekvatnu zastupljenost Bošnjaka u policiji u bliskoj budućnosti. Donošenje ove odluke je važno i radi činjenice da je pokretanje i prihvatanje ove inicijative korak ka vraćanju povjerenja Bošnjaka Sandžaka u državne organe nakon državnog terora koji je režim Slobodana Miloševića sproveo nad Bošnjacima Sandžaka.

Objašnjenje pojedinačnih rješenja propisanih ovom odlukom:

Članom 1. utvrđen je predmet ove odluke.

Članom 2. utvrđene su mjere koje se traže da ih sprovede Vlada Republike Srbije u cilju osnivanja Srednje škole unutrašnjih poslova

Članom 3. utvrđena je obaveza dostavljanja ove odluke Vladi Republike Srbije.

Članom 4. Propisana je obaveza objavljivanja u „Službenom listu grada Novog Pazara“.

Finansijska sredstva za sprovođenje ove odluke nisu potrebna.